

Julio Iglesias aske



«Etapla berri baten hasiera»

Iglesiasen bahiketaren amaierak espektatiba ezberdinak sortu ditu

Bahiketaren amaierak etapa berri baten hasiera dakarrela aipatu dute Ardanzak zein Herri Batasunak. Haatik, nork bere esanahia eman dio: lehendakariaren ustez ETak egin behar du gogoeta. HBren arabera, berriz, Gobernuari dagokio ekimena.

DONOSTIA

Eusko Jaurilaritzako buruak Julio Iglesiasekin hitz egin ondoren azaldu zuenez, «une honetan bai ulertzen dela euskal gizarteak bahiketaren aurka erakutsi duen jarreraren garrantzia». Behin eta berriro, gizarteak bahitua askatzea era baketsuan baina irmotasunez eskatu duela eta honek ETaren gogoeta ekarri beharko lukeela azpimarratu zuen Jose Antonio Ardanzak.

Bere iritziz, Iglesiasena ez da bahiketa bat gehiago izan, etapa berri baten hasiera baizik. «Dudarik gabe, bahiketa honen inguruan izan diren baldintzek etapa berria zabaldu dute Euskadi normalizatzeke egiten ari garen bidean», azaldu zuen. Era berean, Iglesiasen bahitzaileen moduko «salbatzaileak» bakea nahi duten herritarrentzat oztopo eta traba direla gehitu zuen.

Ardanzaren iritziz, gertatutakoari esker gizarteak inoiz baino hobeto ulertu du «tortura», «estortzio», «bahiketa» eta antzeko hitzen esanahia. «Espero dut ikasgai moduan baliagarri izatea oraindik planteamendu demokratikoak onartzen ez dituztenentzat», adierazi zuen azke-



Julio Iglesias eta Marisa bere emaztea etxeko balkoian.

EFE

nik lehendakariak.

Antzera mintzatu zen Juan Maria Atutxa. Gogoeta egin behar duten egin dezatela eskatu zuen Barne sailburuak eta, era berean, Iglesiasena azken bahiketa izan dadila espero duela esan zuen.

Atxutxaren arabera, bakearen giltza ETak eta bere ekintzak txalotzen dituztenek bakarrik daukate. Horregatik, gogoeta egin eta armak utz ditzatela eska-

tu zien: «Bost minutuko hausnarketa eginez gero, herri honen gehiengoak eskatzen diona aintzat hartuz gero, indarkeriaren bidea utzi beharko lukete, ez baitago beste irtenbiderik».


Xabier Arzalluz EBBeko lehendakariak hurrengoak ETak bere ekintzen «kostu soziala» hobeki neurtu beharko duela ohartarazi zuen. Jeltzalearen iritziz, «herri hau indarkeria politikoaren aurka txertatu da eta hori

✓ Ardanzen ustez, «bahiketaren inguruko baldintzek etapa berria zabaldu dute Euskadiren normalizazio bidean».

garrantzitsua da, ez ETaren aurka bakarrik, herri baten heziketarako baizik». Ardanza eta Atutxarekin bat etorri zen herri mobilizazioaren eta gizarte erantzunaren garrantzia azpimarratzerakoan, Arzalluzen ustez horrek herri honen heldutasuna erakutsi baitie ETari eta bere laguntzaile politikoei.

Herri Batasunak ere aipagai izan zuen etapa berri bat zabalitzeko premia, baina talde abertzaleak bestelako esanahia eman zion. HBk ez zion jarrera aldatzeko eskatu ETari, Espainiako Gobernuari baizik, ekimena berari dagokiolakoan. Jose Mari Olarra HBko Mahai Nazionalako kideak adierazi zuenez, «orain, inoiz baino gehiago, bake tresnak behar ditugu eta Gobernuak ETak egindako negoziazio proposamenari erantzun behar dio, hori delako bake iraunkorrerako justiziazko bide bakarra».

Elkarrik, bestalde, bahiketaren amaierak ekarritako «distentsioa» elkarriketa eta akordioa bultzatzeko aprobetxatu behar dela esan zuen. Akordioaren aldeko gizarte mugimenduen irudikoz, Iglesiasen askatzea bakegintzan etapa berria hasteko baliagarria izan daiteke, beti ere gogoeta eta autokritika egokiak egiten badira.



Jose Luis Corcuera.

SIMAL

esan zuenez, «oso berri ona» da Iglesiasen aske uztea. «Berri honen alde txar bakarra bahitzaile terroristak libre segitzea da, Estatuko Segurtasun Indarrek aha-egin handia egin badute ere», esan zuen.

Olarra: «Zinez poztan gara Iglesiasen aske uzteaz»

DONOSTIA

Julio Iglesiasen askatasunak «benetan poztan» duela adierazi zuen atzo Jose Maria Olarra Herri Batasunako Mahai Nazionalako kideak, «herri honen gehiengoak poztu den bezalaxe».

Iglesiasen erakutsi duen «osasun ona» nabarmendu zuen Olarra. «Nahi genuke Madrilgo atxilotuek egoera hori izatea», gaineratu zuen. «Gustora gaude Julio Iglesiasen eta bere senide eta lagunen aurpegian ikusi den pozgatik, baina oso kezkatuta gaude aldi berean Madrilatik etortzen diren berriengatik. Atxilotu bat ospitalera eramane behar izan dute berriro ere, ziurrenik komisaldegian jasotako tratua onduz», adierazi zuen Olarra prentsa ohar baten bidez.

«Iglesiasen askatasuna benetan desiratu dugun guztiok 600 euskal preso politikoaren askatasunaren alde jarraituko dugu», adierazi zuen Jon Idigoras HBk Mallabian egin zuten ekitaldian.

Euskal Herriaren eta Estatu espainiarraren arteko enfrontamendua «elkarriketa bideen bitartez eta gure eskubideak onartuz» konponduko dela esan zuen Idigoras. «Madrilek ulertu egin behar du behingoz herrien borroka geldiezin dela».

«Etorkizun baketsua egiteko momentua heldu da» dio Elkarri-k

DONOSTIA

Elkarri bakearen aldeko mugimenduen poza agertu du Julio Iglesiasen askatasunagatik, eta zorionak eman dizkie bere familia, lagun eta Ikusi enpresako langileei. Gertaera hau «etapa berri batean abiapuntua» izatea espero du Elkarri-k, Euskal Herrian bakea lortu ahal izateko.

Orain gogoetarako jarraitu har daitezela eskatu du Elkarri-k. Mugimendu honen ustez, beharrezkoa da «denok autokritika egitea». «Hau da momentu egokia etorkizun baketsua diseinatzeke. Koiuntura hau aprobetxatu egin behar da elkarriketari, akordioari eta bakeari bide egingo dion distentsioa lortzeko», azaldu zuen atzo prentsa agiri batean Elkarri-k. Horretarako «ausardiaz eta imaginazioz» denok egin behar ditugula aha-eginak dio, «honela gatazka egoera honen inmovilismoari aldagai berriak emateko».

«Gauzak ez zaizkigu nahi genuen bezala atera» dio Corcuera ministroak

ALMERIA

«Gauzak ez zaizkigula nahi genuen bezala atera onartzeko ez dut arazorik, gure helburua Iglesias aurkitzea baitzen eta ez dugu lortu, baina ez guk bakarrik Erantzintzak ere ez du lortu eta» adierazi zuen atzo Almerian Jose Luis Corcuera Espainiako Barne ministroak.

Julio Iglesias libre utzi duten arren, Estatuko Segurtasun Indarrek lanean segitzen dutela esan zuen Corcuera, «ETako horiek epailearen eskutan jartzeko». Ikusiko ingeniariaren aske uztea orain gertatu den arren, «gero etorriko da terroristen atxiloteta» esan zuen. «Ez

izan zalantzarik lehenago edo geroago Justiziaren aurrean egongo dira», gaineratu zuen.

Julio Iglesiasekin atzo eguerdian izan zuten lehen harremana Barne Ministerioko ordezkariak, Corcuera baiezatu zuenez. Barne Ministerioko beste iturri batzuek ez dute arrazoiak «jo Iglesias Adarra menditik urrun agertu izana. «Esperientziak erakutsi duenez, normala bahitu duten lekutik urrun agertzea da» azaldu zuten.

Estatuko Segurtasun Indarrek zuten «lehenengo helburua» Julio Iglesiasen askatasuna zela gogoratu zuen bere aldetik Jose Antonio Agirianok. «Hori lortu da eta denak pozik egon beharko

ginateke, baita Estatuko Segurtasun Indarrek ere, eta beren aha-eginak eskertu. Gizarteari berriz egindako mobilizazio guztiak eskertu behar dizkiogu», adierazi zuen Madrilgo Gobernuak Euskal Autonomi Elkartean duen ordezkariak.

Bere esanetan, ez da porrotik jaso Poliziak Iglesias aurkitu ez duelako. «Denak poztuko ginateke orduan ere, baina hori bigarren helburua zen» zehaztu zuen.

Agirianoren ustez, Iglesias aske uztea eskatzeko kaleratu den lazo urdinak «gizartearen indarkeriaren aurkako ikurra izaten jarraituko du».

Jose Maria Gurrutxaga Gipuzkoako gobernadore zibilak